



EQIKKAANEQ

Ulloq: 4. juni 2024
Allaffik: Nordatlantkontoret
Sul. sulia.: Ketilbjørn Hertz
Suliap normua: 2023-08423
Takussutissiaq: 3061473

**Kalaallit Nunaani eqqartuussisarnermik inatsisip
allanngortinneqarnissaa pillugu inatsisissatut siunnersuut
(Akiliisitsisarnermut eqqartuussivik ikiorsiullugu akiligassanik
akiliisitsiniarneq)**

Kalaallit Nunaanni immikkut ittumik aningaasanik akiliisitsiniarnermut ingerlatsinerup eqqunneqarnissaa inatsisissatut siunnersuutip siunertaraa. Qallunaat eqqartuussisarnermik inatsisaanni malittarisassat assigalugit Kalaallit Nunaanni eqqartuussisarnermik inatsimmi akiliisitsisarnermut eqqartuussivik ikiorsiullugu akiligassanik akiliisitsiniarneq pillugu malittarisassanik ilanngussisoqassasoq siunnersuutigineqarpoq.

Inuit sakkutuujunngitsut pillugit eqqartuussivimmi suliap takkutinnitsoornermi eqqartuussummik nalunaarutiginninneq sioqqullugu, eqqartuussiviup misissuineramik suliaqartarnerata assigisaanik, akiligassalimmut taamaattoqassappat nalunaarutiginnittoqartinnagu, akiliisitsisarnermut eqqartuussivik ikiorsiullugu akiligassanik akiliisitsiniarneq eqqartuussiviup inatsisitigut misissuiffigissagaa, akiliisitsisarnermut eqqartuussivik ikiorsiullugu akiligassanik akiliisitsiniarnerup pingaartumik ilisarnaatigaa. Piffissaliussap iluani piunasaqaammut akiligassalik akerliunngippat, tamanna pillugu akiliisitsisarnermut eqqartuussivik ikiorsiullugu akiligassanik akiliisitsiniarneq oqaaseqaaserneqassaaq aamma tamatuma kingorna eqqartuussutitut inatsisitigut unioqqutinneqartussaannigitsumik sunniuteqalissaaq aamma pinngitsaaliinikkut naammassinninniaanermut tunngavittut atorneqarsinnaalluni.

Inuit sakkutuujunngitsut pillugit eqqartuussivimmi suliap aamma taamaamat takkutinnitsoornermi eqqartuussummik nalunaaruteqartoqarnissaa sioqqullugu inatsisitigut misissuineq Nunatsinni

Eqqartuussivimmit suliarineqartarmata, aamma Danmarkimi eqqartuussummik naammassisitsiniaasarnermut eqqartuussivimmi pisartut assignagit, Kalaallit Nunaanni akiliisitsisarnermut eqqartuussivik ikiorsiullugu akiligassanik akiliisitsiniarnerit Nunatsinni Eqqartuussivimmi suliarineqartassasut siunnersuutigineqarpoq.

Akiligassalik piumasaqaammut akerliusimanngippat, taamaattoqassappallu nutaamik noqqaassuteqaqqaarani akiliisitsisarnermut eqqartuussivik ikiorsiullugu akiligassanik akiliisitsiniarneq tunngavigalugu pinngitsaaliinikkut naammassinninniaaneq aallartinneqassasoq, akiligassaqaarfiup noqqaassutigisimappagu, Nunatsinni eqqartuussiviup akiliisitsisarnermut eqqartuussivik ikiorsiullugu akiligassanik akiliisitsiniarneq najukkami eqqartuussisoqarfimmut nassiutissavaa, taassumalu tamatuma kingorna tamanna tunngavigalugu akiligassaqaarfigisamit nutaamik noqqaassuteqartoqartinnagu pinngitsaaliinikkut naammassinninniaaneq aallartissavaa. Danmarkimi pisartut asigalugit akiligassaqaarfigisaq taamaalilluni noqqaassut ataasiinnaq tunngavigalugu suliap ingerlanerani ataqatigiissumi piumasaqaat aalajangersarneqartissinnaavaa aamma pinngitsaaliinikkut naammassinninniaaneq naammassitissinnaallugu.

Akiliisitsisarnermut eqqartuussivik ikiorsiullugu akiligassanik akiliisitsiniarneq pillugu suliap aallarteqqinneqarnissaanik akiligassallip noqqaassuteqarnera, najukkami eqqartuussisoqarfiup tigusinnaassagaa Nunatsinnilu Eqqartuussivimmut ingerlateqqissinnaassagaa, aammattaq siunnersuutigineqarpoq.

Kalaallit Nunaanni pissutsit malitsigisaannik, akiligassallip piumasaqaammut akerliliisinnanera pisuni tamani akiliisitsisarnermut eqqartuussivik ikiorsiullugu akiligassanik akiliisitsiniarneq pillugu nalunaarutiginninnermiit sapaatit akunneri 4-maassapput, tassani nalunaarutiginninneq Danmarkimi pippat, Danmarkimi piffissaliussaq ullunik 14-inik sivilissuseqarpoq, aamma nalunaarutiginninneq Kalaallit Nunaanni, Savalimmiuni imaluunniit nunani allani pippat, piffissaliussaq sapaatit akunneri 4-maapput.

Akiliisitsisarnermut eqqartuussivik ikiorsiullugu akiligassanik akiliisitsiniarneq eqqartuussivimmut tunniunniunneqarsinnaanera sioqqullugu, akiligassanik akiliisitsiniarnermi, aallaaviatigut akiligassalimmut nassiunneqartussami, piumasaqaatip, aningaasartuutunik

allanik aningaasartuutitalernagu, akilerneqarnissaanut minnerpaamik
ullunik 14-inik piffissalernerqassasoq siunnersuutigineqarpoq, tassani
Danmarkimi piffissaliussa q ullunik 10-inik sivilissuseqarpoq.